



www.BibleForChildren.org



Joanca 14




"Aato pitsaroashirentajigui. Iriguenti pavenquempa
Aapani Irioshi, aisa pavenquena naatimpa. Ontaniqui
itsovironaquitequi Aapani chooca oshequini
piguintenitantapojajempaca. Oraqueate aatomegueti
ochoocatime, noncantajiaquempimequeate."



"Imaicaqueate noanaje novetsicaguetapojempiro
pinchoocatantajapojajempaca aviatimpajia."



"Ariquea noanajegueti novetsicaguetaquitempirota
pinchoocatantajiapojempaca,
nompiashijiaquempiqueate naajiajatempi
poimentajianaquenijite pinchoocata-ntajiapojempaca
ontaniqui
naatimpaqui."




Naatimpa naroguenti Joanca papitsaromentarite,
aquejetavacaajiaca atsipeventajiacari
Jesoquirishito, amajirontajiacari aisa

atsipetacojiaca
maasanopae.



Coramani yaajitanaquenaquea yojocajiquitana
ovogorequi pajitatsica Patimoshi
yamenajiquenagueti


notsavetantavaequeroqueate
Iguenquetsatsare Aapani



Irioshi,
notsavetacoqueriqueate
Jesoquirishito.



Irooqueea iteroncaquerogueti
iquenquetsatacaquenaguete, iriraqueea Ishire Aapani
Irioshi yaashirentavaetanaquenaqueate inquitequi.
Namenitsitaroqueate imajirontamento isavicantacaca
Majirontatsica ariquea ochoocaque
oraniqui, ichoocaque
savicantacaroca.




Iroompaquea noquemajiaqueri maasano
choocajiatsica inquitequi, quepatsiqui, isavipatsaqui,
inirojaniqui quentijani, maasano
icantajiaque: "Jaameja
ashineventajiaquempari
savicanquitsica
imajirontamentoqui
aisa
Ovejajaniqui,
..."




"... ancantajiaqueri iriguentijia caaviji
yoganejencamajataca, aisa
yagavejamajati.

Ancoguitepanijate
anquempetaquempaqua
imaica."




Naatimpa nameniroquea aguijitacotapojaque
iroaqueraro Jerosare caavijica oganejencamajataca
yashintacaca Aapani Irioshi, oquenapojaque
inquitequi iriatimpaqui. Netsanatacovaecaquea ocanca
quempevaeca onetsanatacovaetaqueti manquigarentsi


irooshipojaquegueti
irimanquigatemparo
nintiroca.




Iroompaquea noquemiquea iquenquetsajencajiquequea
oquenajencavaetantapojacaro majirontamentontsi.
Carajencajeguiniquea ocanca icantajitaque:
"iPameneroja!"




"Imaicaquea oratica Itaverenacorote Aapani Irioshi
ochoocatimojiaqueri caquinteja, iriatimpa
iriguintenitimojiaquempari, impeamajatajeri
igaquintejiate incoquempari inconoavaequempari.
Iriatimpajia impeamajatsitempari Irioshimajate."



Ariqueate yonigaaquenaroquea ojaaquí
saancorencajarimajaca anijacaantatsica
osotoajatantapojacaro imajirontamento Aapani
Irioshi aisa Ovejajaniqui,
oniganquirejavoquijaatanauero quenavoquirontsi
iquenauenenaitantamajatacaca.



Iiraquea catsirincaiteri teequea irinintajitajeriji
irivoreacotantajequeate. Ariquea iquempetaca taai
teequea irinintajitajeriji inquitasetacotantajequeate,
iroguentitarite savincaguitetacaavaequeroquea
iroganejencare Aapani Irioshi, ari iquejetaca aisa
Ovejajaniqui iriguentitarite otsivore.



Aatoquea oquijajencatimatitsi
oraniqui covaeguisherentsipae.

Aatotarite iquijitsi
antaguishetatsica teeca
oncameetsateji aisa
tsojeajatsica,
iriguentitarite
choocajajatsine
tioncacotanquitsica
ivajirojia
ivaperitequi
Ovejajaniqui
itioncacotantajiguecaroca
ivajirojia maasano
coguitatsineca inchoocaguiteni.



"Iiraquea Aapani Irioshi
irisheoquijajeneriquea maasano
ijaquija, aatoquea ijaquitajitsi.
Aatoquea imetojajiajitsi, aato
irajaijaatsi, aatoquea icajemajiajitsi,
aisa aatoquea icatsijiajitsi,
maasanotari coramaniquitica jac
anaaguetanaca."




Aatoquea ochoocatimatajitsi
incantomajacotimentajiquerica, aritari onchoocaque
oraniqui imajirontamento Aapani Irioshi aisa
Ovejajaniqui. Irirajia irajaanirejia incoguitepani
irisavicaventaguiterini.



Iramenavorojiapojajeri, aisa intioncacotsijitempari
ivajiro Aapani Irioshi ivancapaequi.




Ariquea namenajiaqueriquea
metojajianquitsica, caavijica yanaajencavaeti
aisa teeca iranaajencavaeteji,
icatintiitimojiacaró majirontamentontsi.
Nameniroquea ampinaicare jaguetacaquea
paperipae itioncacotantajicaroca
ipeacaaguetaacaca
maasano caquinteja.
Iroompaquea
ampinaicarejaca
otsipa paperi
itioncacotantaguecaroca
ivajiropae maasano
coguitatsineca
inchoocaguiteni.




Iiraquea savicanquitsica imajirontamentoqui
icanque queroquea incojitaquerini aparopae caquinte,
iroguentiquea yoguijatacotaque itioncacotantajicaca
paperiqui. Ariqueate iquempetacaajitacariquea aisa
maasano teeca intioncacotempaji
paperiqui itioncacotantajitacarica
ivajiropae maasano coguitatsineca
inchoocaguiteni.

Maasano teeca
intioncacotempaji
ipishoncajitaqueri
incajaremorecariqui.



Iiraquea Ishire Aapani Irioshi aisa inintane
Ovejajaniqui icantajigui: "iCaacate!" Ariquea
inquempejiaquempa quemajiaqueroneca
incantajigue: "iCaacate!"



Iiraquea mirejiatsica incoraquecoraqueiteja; irira
nintajianquitsica, iintsija irimirajiguemparo oja
anijacaantantatsica, aatoquea ivegaratirotsi,
manaquea irojocashijiquenempari intati.



Aapani Irioshi caaviji ipintsamajatari
maasano caquintejiatsica,
irootaquequea ipantajiacarica
Irijanite irapatiroritsite
irimetojaventajiaqueri, ...



... aatonijite ipejaijaa maasano
aventajiaquemparineca,
incoguitempaniqueate
iranijajiaje.



Iromaquitica 3:23 Aritarite icovaeguishejiaca maasano,
tee inchoocateji moncarateroneca iroganejencare
Aapani Irioshi.

Iromaquitica 6:23 Oraquea irivegaratantajitaquemparica
peacaacaroca covaeguisherentsi, iroguenti metojanentsi.
Cotanquitsiquea ora irojocashijiaquenerica Aapani
Irioshi tsipashirentajiaquemparinca Amajirote
Quirishito Jesoshi, iroguenti anijagantsi, incoguitempani
iranijaguiteni.

Evereoja 9:27 Maasanomajaca caquinteguetatsica
imetojimaque aparo, iroompaquea incanque Aapani
Irioshi queri oanajatsineca inquitequi, aisa queri
oananquitsineca camorecariqui.



Epesoquitica 2:8,9 Inchiquiojitaquea
icavintsajajiaquempiquea Aapani Irioshi
imeshiajiaquempiquea paventajiacariguetei Quirishito,
pamenajiaquetarite arimaja imetojaventajiaquempi.
Teequeate inchiquiojitsita pimeshiajiguempaji,
inchiquiojitsitarite inintaquequea iriatimpa
irimeshiajiaquempi.



Iromaquitica 10:9,10 Tee onchoocateji
ampeacaguempaca aatimpa ameshiantaquempameca,
arimequea aventacoquemparomequea. Pincanquegueti
pivagantequi: "Jesoshi iriguenti Majirontamajatatsica",
aisa pintsashirentamajaqugueti iroomajaca ivochatajiri
Aapani Irioshi imetojavecagueti, ariquea iroguenti
irishetacotaquempiquea Aapani Irioshi. Irootarite
ashire antsashirentantamajaquempaca iroomajaca
aventaguitempariniji irigomajaretacaantajicajica, aisa
irooquea avagante ancantantempaca: "Iriguenti
Majirontamajatatsica", irishetacotantajiacajica.



Joanca 3:16,17 Aapani Irioshi caaviji ipintsamajatari
maasano caquintejiatsica, irootaquequea ipantajiacarica
Irijanite irapatiroritsite irimetojaventajiaqueri,
aatonijite ipejaijaa maasano aventajiaquemparineca,
incoguitempaniqueate iranijajiaje.
Teenica irooquea intigaranquimentera Irijanite acaniqui
quepatsiqui incantacaantajiaqueriqueate caquintepae
iroajianaque camorecariqui, iroguentiquea
itigaranquimenqueri iraajiajateri.



1 Joanca 5:11-13 Jero icanqueca itsavetanquerigueti:
Aapani Irioshi yojocajiacaji anijagantsi coguitatsineca,
oratica anijagantsi ochoocaqueri Irijanite.

Iiraquea ichoocaqueca Irijanite Aapani Irioshi,
ochoocaqueri anijagantsi; iriraquea caarica ichoocati
Irijanite Aapani Irioshi, tee onchoocateriji anijagantsi.

Notioncaciaquempi maasano aviatimpajia
quemisantajiguirica Irijanite Aapani Irioshi
cameetsanijite pintsatimentajiaquenijite
yanijacaajiajimpi pishirequi pincoguitepani
pinchoocajiaque.



John 14; 2 Corintoquitica 5; Rev. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Caquinte Bible (cot) © 2005, Wycliffe Bible
Translators, Inc. All rights reserved.

<https://live.bible.is/bible/COTTBL/MAT/1>

©2026 Bible for Children, Inc.

www.M1914.org

www.bibleforchildren.org

